

P. 581, L. 2【天親論云】《妙法蓮華經憂波提舍》卷 2：「無上義者略有十種…八者示現成大菩提無上故，示現三種佛菩提故：一者示現應化佛菩提，隨所應見而為示現，如經「皆謂如來出釋氏宮，去伽耶城不遠，坐於道場得成阿耨多羅三藐三菩提」故；二者示現報佛菩提，十地行滿足得常涅槃證故，如經「善男子！我實成佛已來無量無邊百千萬億那由他劫」故；三者示現法佛菩提，謂如來藏、性淨涅槃、常恒清涼不變等義，如經「如來如實知見三界之相，次第乃至不如三界、見於三界」故。」(T26,p.9,a29-b19)

P. 581, L. -7【四身】(1)法身、報身、應身、化身。(2)應化佛、功德佛、智慧佛、如來佛。(3)自性身、自受用身、他受用身、變化身。(4)自性身、受用身、變化身、等流身(平等流出，九界等同)：密教將大日如來之法身分為此四。

P. 581, L. -7【十身】又作「十佛」。華嚴宗分作兩種：(1)解境十佛。(2)行境十佛。(1)解境十佛：即「融三世間十身」—第八不動地菩薩知諸眾生心之所樂，即以眾生身、國土身、業報身、聲聞身、獨覺身、菩薩身、如來身、智身、法身、虛空身作自身(三世間：器世間、眾生世間、智正覺世間)。(2)行境十佛：即如來所得之十身—菩提身、願身、化身、住持身、相好莊嚴身、勢力身、如意身、福德身、智身、法身。華嚴圓教菩薩，以真實智解，照見法界時，所觸目者，無論萬有萬法，皆視為佛身，簡約其類別為十種，統稱為「解境十佛」。完成修行時，體達究極之佛果；此乃超絕因位菩薩解了心之境界，稱「行境十佛」，係就一佛身之十德而分；乃十身具足之毘盧遮那，或稱「周遍法界身」。

P. 581, L. -4【壽量】

壽量	法身	報身	應身
壽：受	真如不隔諸法。	境智相應。	一期示現。連持不斷。
量：詮量 如來壽命	詮量如來如理壽命。	詮量如來智慧壽命。	詮量如來同緣壽命。
引文	非如非異。非實非虛。	我智力如是。久修業所得。慧光照無量。壽命無數劫。	數數現生。數數現滅。或復自說名字不同。年紀大小。

P. 582, L. 5【四句】《阿彌陀經疏鈔》卷 3：「觀經疏云：示同生滅，有始有終者。應身壽也。一得永得，有始無終者，報身壽也。非壽非不壽，無始無終者，法身壽也。」(X22, p.652b1-4)《妙法蓮華經文句》卷 9：「法身非量非無量，

報身金剛前有量、金剛後無量，應身隨緣則有量、應用不斷則無量。通途詮量三句在聖、一句屬凡，有量、無常都非佛義。」(T34,p.128c7-10)《法華文句記》卷9：「依身次第，不依句次第；故初法身為第四句，報身即第二句，以金剛前未名報故，即第一句是有量也，而未名佛，且云無常。其實更須分別同異，金剛至凡，節節異故，應身即第三句。言『通途』者，欲以四句收一切故。」(T34,p.331b7-12)

P. 582, L. 8【別教各釋】

三身	常無常四句	依唯識
法身	非常非無常，雙非理極。	不生不滅故 常
報身	常 ，取金剛道後。正智圓滿，不復生滅。	生因所生故 非常 。圓滿成就故 非無常 。即 雙非 。
應身	亦 常 亦 無常 ，應用無盡故 常 。數數唱滅故 無常 。	

P. 582, L. -5【凡夫共一句】「無常」：凡夫至金剛心前，生滅出沒乃至智用增進。《法華文句記》卷9：「凡夫共者，今文釋佛，但三身之外皆屬凡收，故文尚以金剛之前不屬三身，並入凡例。言『別教』者，三身別別各對句故，故是別教分別之相。」(T34,p.331b21-24)

P. 582, L. 8【圓教通釋】三身各備四句

三身佛	常	無常	雙亦	雙非
法身	不生不滅	無彼凡夫妄計倒常	寂而雙照	雙破凡聖八倒
報身	出過二乘	無妄計常	智能雙照	智冥諦境
應身	應用不絕	示同生滅	兩義雙具	既非實報、亦非業感
凡夫心性	隨緣而不變，性具法身常。	不變而隨緣，流轉五道。	隨緣常不變、不變常隨緣。	雖不變而非凝然、雖隨緣而非斷滅。

P. 583, L. 6【亦作四句】凡夫理即三身各備四句，性具法身如上表中列；

依法身而起惑→惑即般若（性具報身），亦作四句。

依惑苦而起業→業即解脫（性具應身），亦作四句。

P. 583, L. 10【大經云】《大般涅槃經》卷9：「譬如日出有三時異，謂春、夏、冬；冬日則短，春日處中，夏日極長。如來亦爾，於此三千大千世界為短壽者，及諸聲聞示現壽短，斯等見已，咸謂如來壽命短促，喻如冬日。為諸菩薩示現中壽，若至一劫若減一劫，喻如春日。唯佛觀佛，其壽無量，喻如夏日。」(T12, p.417a15-21)